

Eminentissimi Ac Reverendissimi Domini, D. Joannis Baptistæ, Cardinalis De Luca, Theatrum Veritatis Et Justitiae, Sive Decisivi Discursus

Ad Veritatem Editi In Forensibus Controversiis, Canonicis & Civilibus, in
quibus in Urbe Advocatus, pro una partium scripsit, vel Consultus
respondit ; Cum Indicibus Argumentorum, Causarum ac Rerum
luculentissimis. Opus Tam Judicibus, Quam Causarum Patronis, atque
omnibus in utroque Foro ...

Tractatus Primi Pars I. de Servitutibus Prædialibus, Usufructu, & utroque
Retractu, Pars II. de Emphyteusi, Pars III. de Locatione & Conductione

**Luca, Giovanni Battista de
Coloniae Agrippinae, 1691**

Disc. XXXVI. Romana restitutionis. Fidejussor conductoris ad certum
tempus; An & quando teneatur pro tempore prorogato; Et quatenus ejus
obligato cum tempore determinato expiret quoad solutionem ...

[urn:nbn:de:hbz:466:1-74102](https://nbn-resolving.de/urn:nbn:de:hbz:466:1-74102)

utilitas, determinavit in alios usus ea convertere, ac aliis locare, unde facta disdicta, & inlendo pro evacuatione, excipiebat appaltator salarialium, quia ea conducebat, de decreto camerali, cuius vi-
gore adversus alios conductores prælationem sibi
competere dicebat, unde exorta desuper lite co-
ram Thesaurario, assumpta fuit disputatio, an de-
cretem prædictum loquens non de quocumque
conductore, sed de inquilinis tantum, convenient
huic de illo excipienti, qui sibi convenire contend-
ebat ex eo quod ageretur de prædio urbano, utpote
intrà Urbem existente, quasi quod in hoc urbana
& rustica distinguantur, ut illa intrà Civitatem, ista
verò extra eam consistant, ut fuit aliquorum
opinio.

² Pro Costa verò scribens dicebam hanc esse falla-
ciam manifestam, quia non prædi, seu ædifici
situatione attenditur, sed usus seu ministerium, ad
quod illud est destinatum, quia si principaliter de-
servit ad habitandum, tunc eorum conductor di-
citur inquinilus, fivè sit intrà, fivè extra Civita-
tem, & in villa, si verò principaliter deservit pro
conservatione fructuum, seu ad aliud usum,
quam habitationis, quamvis hæc laborantium in
fundo accessoriè resulteret, nomen inquinili tali con-
ductori non convenit, ut bene ita distingueri fir-
mat Alex. in l. qui pignoris num. 2. ff. de acquir. posse-
quem catcri sequuntur deduci per Ror. dec. 184. nu-
m. 17. & seqq. par. 1. recen. dec. 140. num. 6. p. 2. Et de
hoc vocabulo inquinili ad effectum prælationis, seu
retractus habetur infra. Unde cum hæc ædifica
non sint habitationi congrua, nec destinata, sed
pro repositorio mercium, aliorum bonorum,
nil referre dicebam, quod intrà, vel extra muros
Civitatis sita essent, proindeque decretum came-
rale nullatenus intrare; Præsertim quia in Urbe
hæc distinctio situationis intrà, vel extra muros
Civitatis remanet prorsus inapplicabilis, dum ob
totaliter diversum situm modernæ Romæ ad antiqua
ubi hæc ædifica sunt solùm prædia rustica hodie
cernuntur per longa spatiæ, quamvis intrà muros,
& econversò in Civitate Neapolis forte major est
ædificiorum & inhabitantium numerus extra, quam
intrà muros, igitur prius vanum dicebam cum
hac distinctione regulari, seu distinguere velle
prædia rustica ab urbanis, sed solùm attendendus
est usus seu ministerium ad quod principaliter de-
stinata sunt, præsertim ad effectum decreti præ-
dicti, quod fundatum est in quadam æquitate re-
sultante ex inhabitantium Urbem commodo, &
respectivè incommmodo.

Præterea incongruam dicebam hujusmodi qua-
stionem decreti cameralis, etiam si hujusmodi ædi-
ficiorum conductor inquinilus contendens esset, cum
illud rectè operativum esset pro concedenda prio-
ri inquilino prælatione adversus secundum in eo-
dem usu, secùs autem in omnino diverso, quia
nempe ædificii dominus agnoscens priorem usum
esse præjudiciale, in aliud usum minus dam-
noscum illud convertere velit, cum nulla lex,
vel legis ratio disponere videatur, ut in re sua hu-
jusmodi providum consilium sumi non valeat.
Ponamus enim, quod dominus domus solite
locari ad usum furni seu fabri ferrarii vel extirni,
cognoscens ruinam ex usu concuslorio defaci re-
sultandam, velit mutare speciem usus, atque lo-
care domum pro habitatione tantum, fivè
pro alio exercito non concuslorio, ac ædificio non
præjudiciale, non videtur quæ legalis vel humana
ratio debeat id prohibere, cum prælatio resul-
tans ex tali decreto intelligatur in æquali concur-

su, & absque iuria vel præjudicio domini; Pro-
visiones etenim fundatæ in æquitate procedunt,
dummodo alterius conditio deterior non effici-
tur, cum nunquam iacet æquitas, ex qua iniqui-
tas & alterius damnum resulteret.

Major difficultas apud judicem erat in altera
conductoris exceptione, quod hæc ædificia utpote
publico oneri addicta vendicari non valeant, vel
ad alios usus converti; Dicebam tamen hoc nul-
libi jure probari, prout tanquam limitatio regu-
la probandum esset, cum locatori assistant juris re-
gule, ut scilicet quilibet sit rei sua moderator &
arbiter, quodque nemo invitus locare vel condu-
cere tereatur ad texr. in l. locati §. 1. ff. de vecigia-
libus, & l. invito C. locati. Præsertim quia contentio
non est cum Principe vel cum Republica, cuiex
publica causa conceditur alienis ædificiis, quamvis
invitis dominis uti, ut passim iis etiam à propriis
habitationibus expulsis practicatum vidimus, sed
est cum conductore salarialium cui Camera non
promisit conservationem negotii in uno vel alte-
ro ædificio, neque illius exercitum in uno vel
altero loco injunxit, unde nullam concurrere dice-
bam publicam causam, ob quam à dictis juris re-
gulis esset recedendum.

Et potissimum quia controversia in effectu re-
spiciebat majorem vel minorem Appaltatoris utili-
tatem, cum huic innovationi causam dederint no-
tabiles impensa frequentis refectionis quam loca-
tor stante modicitate pensionis dicebat de præteri-
to factam esse per Appaltatores; Econversò autem
modernus Appaltator inherendo juris regulis,
prætendebat illam incumbere locatori, replicanti
proinde velle in aliud usum minus dispendiosum
ædificia convertere, vel pensionem augere, ita ut
augmentum compensaret hujusmodi refectionis
onus, vel consueta contentus esse, dummodo con-
ductor tale onus in se suscipiat, & juxta unum vel
alterum ex his duobus modis non expectata judicis
determinatione partes concordarunt.

ROMANA RESTITUTIONIS

PRO

SIXTIS.

CVI

N.

Casus discussus coram Prelato cum incerto exitu.

Fidejussor conductoris ad certum tempus
an & quando teneatur pro tempore pro-
rogato; Et quatenus ejus obligatio cum
tempore determinato expiret quoad so-
lutionem pensionis, an adhuc durare di-
catur pro restituione rei locatae.

SVMMARIVM.

1. **C**asus controversia.
2. Fidejussor conductoris an teneatur pro recon-
ductione.
3. Declaratur conclusio predicta, & quando teneatur.
4. Novatio intrans in relocatione respectu pensionis an
intret etiam respectu obligationis restituendi ip-
sam rem.

DISC,

DISC. XXXVI.

LOCATA per illos de Sixtis ad triennium sub certa conventa pensione quadam aromataria cum mercibus & instrumentis in ea existentibus, & praetito per conductorem fidejussore, se tanquam principalem principaliter & insolidum obligante in instrumento continente nedum obligationem solvendi pensiones, sed etiam restituendi tabernam cum eisdem mercibus, & instrumentis prout consignabatur; Dum lapsus triennio in conventionem deducto per aliquos subsequentes annos tacite in eadem locatione continuatum est, atque deinde locator nolente amplius continuare, ac pente rei conductar restitutio in statu, quo consignata fuerat, conductor ob notabilem mercum & instrumentorum deteriorationem fugam arripuit, Hinc pulsavit locator fidejussorem excipientem de regula text. in l. si cum bermes C. locati, ut fidejussor ad certum tempus obligatus, pro tempore prorogato non teneatur, ex quo textu derivat conclusio fidejussorem conductoris non teneri pro re-conductione, ut ceteris allegatis habetur apud Enrig. de fidejussore, cap. 20. §. 18. num. 6. de Marin, resol. 136. vol. 1. Thesaur. decif. 125. Salgad. in labyrinth. par. 2. cap. 27. num. 71. cum seqq.

Pro locatoribus autem scribens dicebam, con- clusionem prae dictam recte procedere quoad obligationem solvendi pensiones, quia cum relocatio importare dicitur novum contractum ex nunc tanquam ex nova voluntate resultantem, merito repetita non censetur obligatio fidejussoris, cuius voluntas deficit, cum solum concurrere videatur illa conductoris in rei conducta usu perseverantia, & locatoris patientiam praestantis; Secus autem quoad obligationem restituendi ipsam rem conductam, qua per fidejussorem implenda est, & à qua lapsus termini non excusat, ubi praesertim non agitur de simplici fidejussore pensionis, sed qui accedit tanquam cor eius toti contractui, in quo utraque obligatio continetur, quia si per lapsus prae finiti temporis expirat una solvendi pensiones, non cessat altera restituendi rem conductam, ut in his punctualibus terminis plenè firmat Alex. conf. 72. vol. 6. Accedente praesertim obligatione etiè principali- ter, sequuntur Marta voto 103. num. 3; Merlin: decif. Lucen. 24; num. 10 circa fin. Martius Medices exam. 59; num. 8. Merlin: de pignor. lib. 3. tit. 1. quarto. 39. num. 13. contra quas punctuales auctoritates nulla adducebatur, quia in specie contrarium firmaret cum allegata ex parte rei conventi, vel firmarent regulari in genere de non repentina fidejussoris obligatione in relocatione, vel loquerentur de pensionibus, non descendentes ad hanc distinctionem.

Mihi tamen ad veritatem reflectenti dura vi debatur propositio, quia fidejussor videns lapsus terminum ejus obligationi prae finiti, & atque locatorum continuare in sequendo solius conductoris fidem, justè credere potuit se ex novo contractu liberatum, unde propterè abstinuit à diligentiis alias adhibendis. Et quemadmodum respectu pensionum intrat ratio novationis, seu novi contractus ex integro tanquam ex nova voluntate in relocatione sub intellectu, ita par formiter eadem ratio intrare videtur respectu traditionis ipsius rei, quasi quod finito primo conductori tempore locator prævio actu occulto restitutio rei conductæ, illam denud conductor tradiderit, unde urgentibus ex una parte auctoritatibus punctualibus,

quibus juxta praesertim modetum usum in judi- cando satis deferendum est, & econtra urgente dicta ratione, dubius remanebat, cuinam veritas assisteret; Neque occasio præbuit ulterius punctum examinare, cum amplius partes non viderim, forsitan concordia litem terminavit.

MEDIOLANEN.

PRO

QUODAM MONASTERIO
MONIALIUM.

CVI

N.

Casus discussus coram A.C. incertus exitus.

An locatori danda sit manutentio in quasi possessione exigendi pensionem adversus conductorem prætendentem expiratam esse conductionem, proindeque ad solutionem amplius non teneri; Et de manutentione concedenda locatori aduersus conductorem non controvertentem expirationem locationis, sed excipientem de retentione pro melioramentis.

S V M M A R I V M.

1. Locatori an competit manutentio in possessione exigendi pensionem à conductore allegante conductionem finitam.
2. Quando datur inducta locatio seu colonia perpetua.
3. De materia text. in l. cum de in rem verso de usus.
4. Conductor an detur retentio rei conducta pro melioramento.

DISC. XXXVII.

PRÆTENDENTE Monasterio Monialium N. Mediolani contra quosdam possessores ejus bonorum manutencionem in quasi posse-sione exigendi annuam præstationem; Atque replicantibus reis conventis ob expiratum conductionis tempus se ad hujusmodi solutionem amplius non teneri, neque possessionem resultantem ex præteritis solutionibus usurpare ad certam causam certimque tempus limitatam ulteriore operatio-nem habere, ut punctualiter habetur apud Rot. dec. 121. apud Postum de manu; ubi licet casus non decidatur, ex discursu tamen decisionis pro exclusio-ne manutentionis respondendum videtur ex regula, quod possessio ob certam causam seu ad certum tempus tradita lapsu tempore vel cessata causa ceſſat, nec remanet amplius operativa.

Nihilominus pro Monasterio scribens, cum aliquo eriam sensu veritatis, admittet etiam hujusmodi conclusionis, quoties certum effet tractari de contractu locationis ad certum tempus inito, ita ut præstationis solutio de præterito facta aliam non haberet causam nisi illam pensionis ex causa